



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თერჯოლა



თერჯოლის გერბი

თერჯოლა, ქალაქი (1983-
იდან) დასავლეთ
საქართველოში (იმერეთის
რეგიონი). თერჯოლის
მუნიციპალიტეტის ცენტრი.
მდებარეობს იმერეთის
დაბლობზე, მდ. ჩხარის

(ჩოლაბურის მარჯვ. შენაკადი) მარჯვ. ნაპირას. ზ. დ. 200 მ
გესტაფონიდან (უახლოესი რკინიგზის სადგ.) 14 კმ
თბილისიდან 210 კმ. 4,6 ათ. მცხ. (2014).

ჰავა ნოტიო სუბტროპიკულია. იცის ზომიერად ცივი ზამთარი და შედარებით მშრალი, ცხელი ზაფხული. საშ. წლ. ტემპ-რა 13,9°C იანვ. საშ. ტემპ-რა 3,7°C აგვ. 23,9°C; აბსოლ. მინ. -20°C აბსოლ. მაქს. 42°C. ნალექები 1310 მმ წელიწადში.

თ-ში არის კვების მრეწველობის მ. შ. ღვინის (შპს „თერჯოლის ღვინის ქარხანა“) და საყოფაცხოვრებო მომსახურების საწარმოები, სკოლამდელი დაწესებულებები, საჯარო სკოლები, ბ-კა, სახვითი ხელოვნების მუზეუმი, სამედ. დაწესებულებები.

თ. პირველად დამონმებულია ოდიშის მთავრის ლევან II დადიანის შეკვეთით 1546 დამზადებული ფხოტელის ხატის წარწერაში „თერჯოლის“ სახელწოდებით. ამ სახელწოდებითაა დატანილი ვახუშტი ბატონიშვილის რუკათა მეორე ატლასშიც (1742-43).

XVIII ს. მთელ რიგ ისტ. დოკუმენტებში გვხვდება აგრეთვე სახელწ. „თერჯოლაც“.

თ. ბერაძე

ვ. ჯაოშვილი
